

Hong Kong School Drama Festival 2009/10  
Synopsis & Script of School Play with “Adjudicators’ Award”

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : SKH TSANG SHIU TIM SECONDARY SCHOOL

學校名稱 : 聖公會曾肇添中學

**Name of Play** 劇名 : 尋球

**Script writer** 劇作者 : 李雲烽

For adaptation works, please specify: 如屬改編劇本請填寫：

**Name of Original Work** 原著作品名稱 : \_\_\_\_\_

**Original Author** 原作者姓名 : \_\_\_\_\_

**Name of Adaptor** 改編者姓名 : \_\_\_\_\_

**Synopsis** 故事大綱:

「每個人都有權做真正的自己。」人生路上，哥隨波逐流，漸漸發現自己迷失；弟一直堅持夢想，卻一直受忽視。一次偶然的機會，改變了兩人的一生，最終兩人有截然不同的結局…

**Script** 劇本:

**第一幕，Mirror**

(主角人等站在台上，哥組在中央，弟組彈琴)

(音樂起，哥組做 mirror)

(稍後，眾人同時入，做 mirror)

(Mirror 內容圍繞著一些日常生活片段，包括起床梳洗、煮早餐、做各種家務、運動、打機等)

**第二幕，突擊檢查**

(鐘聲響起)

(眾人變成同學，場景是小息時的學校操場)

(眾人各自嬉戲、聊天、吃東西)

(弟在琴邊，自顧自的看琴譜)

(師、哥從台右出)

師：恭喜晒你呀李文俊同學，又幫學校拎多咗一個獎。

哥：呢D係我應該嘅。

師：咁你比心機讀書啦。

(哥坐在中央留心地溫習)

(眾人見哥，大家議論紛紛)

A：哇，李文俊呀！

B：今年又係佢擺第一啦。

C：年年都係佢擺第一嫁啦，唔通你擺咩！

D：上次老師上堂讚佢呀。

E：唔通讚你咩！

F：佢肯教下我就好啦。

G：係教都唔教你啦。

H：點解我咁努力，都追唔到佢。

I：資質問題。

Hong Kong School Drama Festival 2009/10  
Synopsis & Script of School Play with "Adjudicators' Award"

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

J：唉，我地D咁嘅人，呢一世都追唔到佢嫁啦。

K：哇，又係果個低B仔李文迪呀。

L：一個係阿哥，一個係細佬，差咁鬼遠嘅。

M：(撞弟) 唔好意思啫。

(康台左冒出，鬼崇地走到哥旁，手拿著一包東西)

(康將東西塞給哥，急忙跑開，奔走到台下)

(哥把東西收好，保持沉默)

校：(從台邊走過來) 突擊檢查！(發現康) 你咪走呀！(緊隨其後)

(眾人望向訓、康)

(兩人追逐到台下中央)

康：(語帶囂張) 你搜我啦！

(校搜康全身)

(突然發現康的手機)

校：重未比我搜到你部電話！沒收！一個禮拜後問我擺番！

(訓離開)

康：(語帶輕挑) 車！好叻咩！

(康向反方向離開)

眾：車！冇野睇！電話咋嘛，有咩咁出奇姐？我重以為有戲睇添…

(眾人出)

**第三幕，定律**

(師、父台右入)

父：Miss，阿俊考成點呀？係咪科科第一呀？今年有冇獎學金？

師：同平時差唔多啦。八科有七科擺第一，至於獎學金，年年都預咗佢擺嫁啦！

父：我將來指意晒佢，你要好好教下佢呀！

師：當然。

父：同埋呢，我想出年送佢去外國讀書。可以早D讀大學呀嘛。我諗著就算用晒成副身家，都要供佢讀到博士學位。

師：文俊佢品學兼優，一定會成為社會棟樑。佢諗著第日讀邊間呀？

父：我幫佢鋪定幾條路嫁啦！讀Law嘅就緊係Cambridge嘅，或者London U啦！如果Medic呢，就Oxford啦，Stanford都唔錯。

父：另外呢，我想校長幫佢寫定推薦信同履歷表呀。

師：上個學期唔係寫咗咩呀？

父：上次佢未擺奧林匹克數學榮譽一等獎。重有呢個十大傑出學生都要寫落去…

師：好好好。

父：(握手) 唔該Miss。

師：等陣，傾埋細佬啦，其實你點教嫁，李生。一個台上擺獎，一個台下拍掌，重要得一科合格…

父：嗱氣啦，我買比佢疊exercise，郁都有郁過呀…就嚟認部琴做老豆嫁啦。真唔明佢，香港地，唔通去街頭賣藝乞食咩？冇學歷，就個個都睇死你淨係識彈琴，冇鬼用！

(父接電話，揮手示意沒空)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(父、老師出)

**第四幕，變成毒販**

(Music In)

(哥、哥1、哥2 並列溫書)

(各人拿著同一本書)

(哥2 沒心機看，塞給哥)

(哥猶豫一會，塞給哥1)

哥：再咁樣逼我，我真係驚頂唔著。

哥2：究竟點解要讀書…

哥1：點解咁講呀？

哥：我都唔知讀書嚟做咩。

(哥1 一直翻書)

(哥2 一直打呵欠、伸懶腰)

哥1：考大學。

哥：跟著呢？

哥1：考博士。

哥：跟著呢？

哥1：讀好書咪出嚟賺錢。

哥：跟著呢？

哥1：賺更多嘅錢。

哥：跟著呢？

哥1：再賺錢。

哥：跟著呢？

哥1：賺夠錢咪進修。

哥：跟著呢？

哥1：進修完賺更多嘅錢。

(哥說話越來越急速、迫切)

(哥1 邊說邊走向哥2)

哥：跟著呢？

哥1：再進修。

哥：跟著呢？

哥1：再賺錢。

哥：跟著呢？

哥1：再進修。

哥：跟著呢？

哥1：再賺錢。

哥2：(大聲) 夠啦！(閣上哥1 手上的書)

(Music out)

(康入)

Hong Kong School Drama Festival 2009/10  
Synopsis & Script of School Play with “Adjudicators’ Award”

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

康：(大叫) 俊哥！我 D 野呢？

哥：(取出) 呢個？

(康欲取，哥縮手)

哥：比返你都得。你話我知係咩呢！

康：你唔好逼我啦！呢 D 唔啱你知嫁。

哥：我諗…

哥 2：好玩嘅緊係要玩埋一份啦。

哥 1：唔好理啦，緊係讀好 D 書先啦，掙落海算啦。

哥、哥 2：收聲！

康：我都有出聲！

哥、哥 2：咁你重唔講！

康：…呢包係白粉。

哥、哥 1：你係學校賣毒品…

康：(掩哥嘴) 你想死呀？咁大聲！

(哥 1 同時掩嘴)

康：唔怕話埋比你聽，呢批貨已經值成萬蚊，散晒 D 貨之後，我淨賺五千蚊啦！D 錢多到洗唔晒。

(哥 2 站在哥、哥 1 間)

哥 2：你唔係一直都想擺脫你老豆嫁咩？呢個咪係一個好好嘅機會囉。

哥：(望康) 我想試下！

哥 1：唔好呀！果 D 唔係你想要嘅野！(推開哥 2)

哥 2：你應該好清楚，咩先係你想要嘅野。(推開哥 1)

哥 1：你會辜負所有人對你嘅期望嫁。(推開哥 2)

哥 2：做咁耐乖乖仔，你唔係話好悶咩？(推開哥 1)

哥：(對觀眾) 悶呀。

哥 1：(走向哥) 唔悶呀！

哥：(片刻) 你估你老細等唔等人用？

康：你真係願意承擔後果？

哥 1：唔好呀！(勸哥 2)

哥 1：諗清楚先啦！(勸哥)

(哥踢倒哥 1，哥 2 再踢一腳)

康：你有冇電話呀？我電話比訓導收咗。快 D 啦。

(頭目台左出，手拿著電話)

康：(打電話) 大佬，我搞掂啦。(電話給哥) 搵你呀。

頭目：歡迎你加入我地，你呢個高材生咁醒，一定諗到 D 好辦法，為我地帶嚟更多利潤！祝我地合作愉快！(頭日出)

(哥搭康肩走，哥 2 在後，哥 1 最尾)

**第五幕，弟弟被欺凌**

(Music In)

(弟、弟 1 坐右前台，手執紅色氣球)

Hong Kong School Drama Festival 2009/10  
Synopsis & Script of School Play with “Adjudicators’ Award”

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(兩人盤膝而坐於中央)

(兩人隨歌搖擺)

弟1：淨係識彈琴，冇鬼用。

弟：(打弟1頭)咪玩啦。

弟1：(打弟頭)其實每日開開心心彈琴咪夠囉！點解要搞到咁複雜？

弟：係啦！其實彈琴係理想，有咩問題喎？

弟1：講得岩！最緊要都係…

弟、弟1：(對觀眾)知道自己想點！

弟1：彈琴囉不如！

弟：(接過弟1的氣球)好呀。

(弟1歡天喜地走回琴邊)

(弟1彈琴，弟將氫氣球綁在琴邊)

(Music out)

(眾人兩邊入)

(小休時間，各人做自己的事)

(一個壞同學靜靜走到他後面，突然奪去他的銀包)

弟：(轉頭)比番我呀！

(各人跟弟玩猴子搶球，戲弄弟)

甲：你張身份證好靚仔喎。

乙：你銀包得個廿蚊咁少嫁，多謝晒喎。

丙：Hello Kitty 公仔，你男定女呀？

丁：你同你阿爸阿媽一樣咁樣衰嘅。

戊：你屋企賣梅菜嫁？張廿蚊皺到好似張梅菜咁嘅！

己：嘩！重用小童八達通？博懵咩！

庚：你執番嚟嫁？你同你阿哥差咁遠嫁。

辛：智障，重去冒險樂園玩？

壬：咦，貼紙相呀，你都有 friend 嫁咩？

癸：哇，見鬼呀。

己：你想要呀！(跑到台右)

己：(等弟走過來)拜拜！(將銀包拋到台下)

(琴聲停，弟1走到台下檢起銀包)

(弟1猶豫，扒在台邊要拾回銀包)

甲：唔好執啦！你點會執到呀。睇你都執唔到嫁啦。

甲：你知唔知自己係乜呀？

眾：(向弟一致地)廢物！

甲：(帶領眾人出)走啦走啦走啦…

(弟1將銀包遞給弟)

弟、弟1：(互相指向對方)話你呀！

Hong Kong School Drama Festival 2009/10  
Synopsis & Script of School Play with “Adjudicators’ Award”

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**第六幕，頒獎禮**

(老師、司琴、訓導、指揮順序入)

(指揮帶領合唱團)

(合唱團入)

(弟靠右，哥靠左)

(老師走到台右，校長及老師 2 則在台左)

(校歌起，指揮領導合唱團，唱校歌)

(老師 2、訓導、哥 1、哥、哥 2、老師並排一橫線)

師：接下來係 2009 至 2010 年度結業頒獎典禮，

中四級中文科第一名，李文俊。中四級英文科第一名，李文俊。

中四級數學科第一名，李文俊。中四級通識科第一名，李文俊。

中四級體育科第一名，李文俊。李文俊、李文俊、李文俊…

(老師 2 遞獎，校長頒獎，哥 1 領獎，哥拍照，哥 2 撕毀獎狀)

(六人機械式重覆頒獎動作)

(六人動作越來越快，校歌節奏加快，指揮動作加大)

(哥忍受不住)

哥 2：(停止) 可唔可以唔擺呀！

(眾人維持瘋狂狀態)

師：(片刻) 中四級音樂科第一名，李文迪！

(所有人變回正常)

(哥、哥 2 走進合唱團)

(哥 1 從地上撿起一張獎狀)

(眾人都感到驚奇，議論紛紛)

(弟不敢相信得獎，向四周人問清楚)

師：中四級音樂科第一名，李文迪！

(弟 1 叫弟出來領獎)

(弟從訓導手上接過獎狀)

(弟 1 請觀眾拍掌)

(兩人很開心地互相擊掌)

弟 1：我都話啦！堅持自己，一定會有人認同嘅。

弟：最緊要知道自己想點嘛！

(哥聽畢，感動拍掌)

(弟找哥)

(眾人拍掌)

(指揮帶領合唱團)

指揮：各位同學，等我地恭喜晒李文迪同學得獎，請大家番去啦。

(眾人出)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**第七幕，交易毒品**

(頭目在台左前等候)

(哥走去，哥2在後，哥1在最後跟著，形成一條橫線)

哥、哥2：(突然)你唔好再跟著嚟！

(哥1感到愕然，轉頭望向後方)

(此同時有一婦人經過，拿著手袋，正在打電話)

婦人：喂，今日D菜心好靚呀。

哥1：(對著婦人)你唔好再跟著嚟！

婦人：(不斷點頭)哦哦哦哦哦…(慢慢退回後台)呢條路唔行得嫁咩？

(哥遞上公文袋)

(哥2得勢，感到興奮、開心)

(哥1望著獎狀，顯然擔心)

頭目：估唔到你咁有效率嘅。竟然提早清晒批貨，不愧係我嘅左右手。

哥：相信你地都搵唔到更有能力嘅人。

頭目：冇錯，確實好難。

頭目：希望你繼續做好你嘅本分。呢批新貨，今個禮拜要回本，咩方法，你自己諗。(留下一包裹，哥打開)

哥：(高舉)塊鏡…

頭目：你咁醒都估唔到呢！拿，鏡只係掩眼法，後面有層大麻，磨成粉，連玻璃碎一齊嚟。小小已經好正。扑碎佢，逐D賣。(片刻)你有冇問題呀！

哥：(對哥2)你有冇問題呀！

哥2：(對哥1)我有問題，你有冇問題呀！

哥：(對哥2)我有問題。

哥1：(插嘴)我有問題！

頭目：(對哥)下！你有問題！

哥、哥2：(立刻)冇！

頭目：咁就最好啦！比心機做啦！

(頭目出)

(眾人入)

(場景為Disco，眾人興奮跳舞)

(Music In)

眾：(大叫)俊哥！我要多D貨！

哥：擺去啦！(拋毒品)

(哥2拋毒品)

(閃燈)

(眾吸食毒品，精神失常)

康：(拍哥肩)勁嘅！啱啱做有幾耐就幫老細搵咗咁多新客。遲D做埋我個份啦！

哥：係咩！

康：做咩呀！後悔啦！你唔係淆底嘛？佢地有事，都係自己擺嚟嫁嘅。

哥2：係囉，你已經脫胎換骨啦。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

哥：真嘅？

康：緊係真啦，估唔到高材同我做嘅野喎。

(哥沉默出，哥1、2跟在後面)

(康、眾人走)

(Music Out)

**第八幕，尋·迷**

(弟、弟1 蹦蹦跳跳走到琴邊)

(弟、弟1 彈琴)

(哥組在台左睡在地上)

(哥1、哥2 在旁)

父：(威嚴語氣) 唔好彈啦，阻著我傾生意，阻著你阿哥溫書！你都去溫習！

父：(父語帶關心找哥) 讀成點呀？(叩門) 阿俊？阿俊？你聽唔聽到呀？

(哥1 彈起溫書)

(哥猶豫地看書)

(哥2 翻書)

父：OK 唔夠嫁！我重要你入大學，入完大學就讀碩士，讀完碩士就讀博士，跟住就…

哥：OK 啦。

父：(臨走時) 屋企靠晒你啦！(片刻) 唔通旨意你個白癡細佬咩！

(父接電話出)

哥：唉！(片刻) 阿爸走咗啦，繼續彈啦。

弟：阿哥呀，不如我地而家傾下計，我地都好耐冇傾計啦。

哥：好呀。(將書給哥2，哥2 給哥1)

(哥1、哥2 留在原位)

(兩人坐下)

弟：其實點解你讀書咁叻？你係咪好鍾意讀書？

哥：我真係好鍾意學野。每次學完一樣新嘅野之後，我就會好有好成功感、好有滿足感。

弟：哦，姐係好似我彈琴咁？但係阿爸唔想我彈琴，佢好鍾意你讀書喎。

哥：係囉，就係因為阿爸成日逼我讀書，搞到我而家都唔知為咗咩而讀，好係似純粹為咗佢咁。

弟：佢都係為咗你好姐。阿爸成日話，讀多D 書先可以賺多D 錢。

哥：係掛。我而家讀書，就好似為咗老豆，為咗賺錢。咁你呢？你咁鍾意彈琴，你為咗咩嫁？

弟：(望弟1，再望自己) 我都唔知呀。我淨係知我一定唔係因為老豆，亦都唔係因為想賺錢。

哥1、2：車！咩即係唔知為乜！

(哥示意哥1、2 不要說話)

哥：你嘅意願係咪重係想做一個音樂家？

弟：(肯定地) 係呀。雖然我都知阿爸唔會比，咁你呢？你想做D 咩呀？

(哥不懂得回答，起身)

哥：細佬，其實有時候我真係好羨慕你。

弟：不鏟全世界羨慕果個都你嚟喎。

Hong Kong School Drama Festival 2009/10  
Synopsis & Script of School Play with “Adjudicators’ Award”

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(哥右出)

(弟走到琴，跟弟1彈琴)

(弟、弟1左出)

**第九幕，迷惘**

(關燈)

(閃燈)

(康出)

(Music In)

(眾人如常跳舞、興奮)

(康派毒品給眾人)

(哥在台左經過)

(康找哥)

吸毒者：(突然)有警察呀！

(眾人尖叫，四處散開)

(康在混亂中手足無措，將貨品全數吞下)

(哥、康逃到琴前，康開始不適)

哥：快D收埋D貨啦！

康：有警察，我吞晒D貨啦。(倒下)

哥：喂，你掂唔掂嫁？

康：我冇事！我得嫁啦！

哥：你震晒喎！

康：我OK嫁啦…

哥：(搖著康)Call白車！

康：冇用嫁！(突然發狂)唔好行埋嚟！走開呀！走開呀！唔關我事，走開呀！

(康多次掙扎，暈倒)

哥：康！康！康！喂，你唔好有事呀！

(頭目跟手下入)

頭目：廢物！(踢康)少少野都做唔掂，重累我有咗批貨。

(手下向頭目遞槍)

哥：你做咩呀？

頭目：無晒利用價值嘅人，唔死重有咩用呀？(開槍)

哥：唔好呀！

(康被拖走)

頭目：你都係呀，我同你講，醒醒定定，再有咩差池下一個輪到你！

(頭目與手下出)

(哥走到台中)

(Music Out)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**第十幕，破碎**

(*Music In*)

哥：我，究竟想點呀！（*低頭掩臉*）

（哥1入）

師：(*V.O*) 文俊佢品學兼優，一定會成為社會棟樑。

父：(*V.O*) 無學歷，就個個都睇死你！

同學：(*V.O*) 成績差咪乞食囉！

（哥2入）

康：(*V.O*) 估唔到高材生，你同我做嘅野一樣。

頭目：(*V.O*) 無晒利用價值嘅人，唔死重有咩用呀？

吸毒者：(*V.O*) 俊哥！我要多D貨！

哥1、2：(*互指*) 你最無用。

哥1、2：我最有存在價值。

哥1、2：你收聲！

哥：你地兩個都收聲！你地兩個都係假嫁！

哥1：阿俊！我由細陪到你大，我同你一齊讀書、攞獎、考第一…

哥2：我夠係啦！有佢就有我，我幫過佢販毒，幫過佢搵成功感，同埋刺激感呀…

哥1：刺激感！不如去玩過山車！

哥2：好過你啦！淨係識得跟人！

哥1：你又好好…

哥：夠啦！（*撿起銀色汽球*）你睇下！你地兩個根本對我一D意義都有。你地根本唔係我想要嘅野。

（*作勢刺破汽球*）

（*Music out*）

哥1、2：就算我地消失，唔代表你可以搵返到自己。

（*哥刺破汽球*）

（*哥1及哥2隨即倒下*）

（*眾人拿著氣球行走*）

（*哥屢次尋找自己的價值，不果*）

（*哥將眾人的氣球刺破，眾人倒下*）

（*哥走到前方中央*）

哥：你地根本全部都唔係我！

（*眾人一起弄破手上的氣球*）

（*眾人倒下，哥倒下*）

（*哥氣憤，刺破面前的灰色氣球發洩*）

（*哥痛哭，大叫*）

（*弟從琴邊跑到哥身邊，安慰哥，拍哥肩*）

哥：(*低泣*) 細佬，我真係好羨慕你。可以做到你真係想做嘅野。

弟：阿哥，每個人都有權做真正嘅自己。你唔好放棄，繼續去搵，你一定有機會搵到嫁。

（*弟手執魚絲，遞給哥*）

（*哥拉魚絲尋找自我，拉出氫氣球*）

Hong Kong School Drama Festival 2009/10  
Synopsis & Script of School Play with “Adjudicators’ Award”

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(關閃燈)

(弟1開始彈琴)

(彩色球從兩邊飄出)

(開燈)

(眾人重生，玩氣球)

(哥起，入人群)

(弟繼續彈琴)

(閉幕)

—————全劇完—————